

www.BibleForChildren.org

Matyu 26



Fefera ingo
yoveni,
yoveniva dabako
sidara ata-gea,
Serigea Yarida
Banau* egegaita ueta,
Iesu Betani arie. Iesu da
ririeta amburarivareta
jebugea eroruria embó
Lasarus, aná naava irita
urie. Aghade, Meri na uka
muu (1/2) lita aghagonu munode,
ragaro nadi reta, bua furie.



Aná uka
muuda muno
taubana dogo, jo
uvugha bagega
irambi-gea, mino bee
itiva re. Terua, lesu da
ekava averegea doa,
unda fougami dufiturieta,
aná uka muuda muno
taubanami aná kambo
roo beda urie.



Aghá ririeta, unda ambo nimbi 12 da rova, Keriot embó
ragaro Judas na erea, Iesu nu kuvia bua, fristida*
kokotofudedava utaita
rea arie. Aghá ririeta ningia,
númane gangoro
egeguturota, Judas
gurimi mino aita
regegaturie.



Aghá regeguturieta ningia,
Judas tutuno ea, Iesu
daiyagha nenomi
nandia, Jiusi
enemboda
Babarigaridava
utasua-da emboro
tava urie.



Aghá ririeta, unda ambo nimbi
unda riria aghagonu ea, Serigea
Yari Banau simbuguturie.

Aghá rea, numonde undari
undidiguturota, Iesu farava
ingari bua, God du aiye rea, righia
ingegebea, unda ambo nimbidu
ututurota eghá ririe,
“Ená anda tamo reta,
bua undidige!”




Anada ambova, vaini aaghava
bua, God du aiye rea, unda
ambo nimbidu ututurota ririe,
“Nímane dano, ená aagha
dabakova undidige! Anda tatangu
enembo oruabedu averegota
voraita rouvia-mi God Afa unda
natofoda ari-bari akokogo
nundubea gia doarida,
kotú undava ya
bububugarida
emboro* reka
ifegaita rouvie.”




Iesu rekago eghá ririe, “Saimon, Saimon, nghaĩ javea ningi! Satan na seibe angia, eto-bato embó einimi aayova iiava isia taubana mane rururota, jeghi mane dota rouvia aghagonu, nímane kuvia gaita rea, seibe God dava benunu utata ‘avore’ rita. Avotago, amó rourogo inda gaabee ari doata jurauve-degea, God Afa na indú ano utari-du benunu etore.

Atá imó kaverea andava furadora mo, inda ikoko mendidu ano ututurota kaifa ege!”



lesu aghá ririeta, Saimon mino eghá ririe, “Jojabee, amó angá ya dibura aita, kotú angá amburaita simbugetore.” Aghá ririeta, lesu undú eghá ririe, “Pita, amó indú eghá rere. Oreki tumbade kokora be dimbambi irota, imó fefera bakode amó jo gambi gaa rirota, kivu aita roravore.”



Anada ambova, Iesu unda
ambo nimbide kambesi
ragaro Getsemani avo
aria bubua, Iesu
númandu ririe, “Nímane
eve asumbea iririgutu-gea,
amó ya onava benunu are.”
Unda benunuva eghá ririe,
“Arie, Afa, imó aná
eini-eini dano ari inono re!
Amindu ená mema jojabe
andava reifia inona ege,
serigoe! Avotago, jo anda
unonu ambi aita roreta,
do-gea, inda unonu siroroe!”



Amindu, Judas na kofiri ea, noni ungagha bua furie.
Noni eini, aná Rom enemboda mene-mene ari kakato
re. Kotú noni eini mo, fristida* kokotofude,
Moses da Gaga kaifa kakatodemi*
Tafaroro Ari kamboda* kaifa
kakatonu ninenguturieta
fufuguturie. Númane
aivade giberede nanefadenu
bubugea furia
bububuguturie.



Aghá rea, númanda einimi fristida* beforo righarida
sabua* embóda nghaĩ ingo bee kenanu vegea
kositurieta jujururie. Aghá urieta,
lesu na ririe, “Rekago donu eini
mania egegata!” rirota, aná
embóda nghaĩ bua, rekago
ititurieta takembuturie.



Aghá riria-da ambova, númane umó nandia bua,
fristida* beforo righarida kambova igigutueta,
Pita umó itoko ambo
fugea ea jiria uta arie.
Aria bubua, kambo
isaghava ivari
gagembea, danode
asusumbuguturieta,
Pita beago
númanda
gorotova
asumbuturie.



Fristi maneda beforo
righarida buro katoda
nghaĩ Pita unda vegea
kosituria-da ikoko
mendi einimi Pita du
eghá ririe, “Imó aná
embógha dano aayo rova
gere.” Aghá ririeta, Pita
rekago kivu urota, “Tefo” ria,
aghade kokora be difirie.
lesu da riria gaganu nundubea,
umó isaghava bubua, jiimi neno
gagajeguturie.




Aghade kanisera* mane erea,
lesu kofiri ea bua aria, Pailat dava
bububuguturie. Aghá regeguturieta,
Pailat na lesu du uriga urie, “Imó
Jiusi enemboda kini ra?” ririeta,
lesu mino ririe, “Eẽ, inda
rera aghago re,” Pailat
na lesu doata bubua
yari-du uno urota, rekago
aná natofo ghogho ririe.


Avotago, númane,
“Umó ifatarava dege,
amburoe! Umó ifatarava dege,
amburoe!” regeguturie.




Aghá regegutura-da ambova, Pailat
na Iesu nu bua, ifatarava dedegota
amburari-du rirota, mene-mene ari
kakato dumenida ingova ututurieta
bubuguturie. Aghá urota, Iesu unda
ifatara undufa fumbua arie. Aria,
kambesi eini Amburari Enemboda
Beforo Siruru avo buburiturie.
O námane Jiusi enemboda
gaami aná kambesidu
Golgota regegeta
rosore.



Furia, avo bubua, lesu
ifatarava dedeguturie.
Aghade, embobo
ungagha lesu de dano
dedeguturie,
eini ingo bee
kena, eini ingo
anda kena.



Aghá ea, fefera janimbambi irieta, God du Tafaroro Ari
Kambo* bogu naa Jerusalem vitiria-da rova, rourogo
enembo ya, Kambesi Kakara Bee anava terua
amburauve-degea rea, eembo einimi
gajari vitiria, aná rorova
sarigea, be ungagha urie.
Aghá ueta, Iesu koko fugia
ririe, “Afa, inda ingova
anda asisi rei-ututore,”
aghá rirota, ambubuturie.



Arimatea embó ragaro Josep na
aria, Iesu da tamo utota bua ya
furugaita riota, Pailat dava
benunu urie. Ená embó
Josep rera, umó embó
bingáde eini re. Kotú
umó aná kanisera*
maneda eini re.

Aghade umó,
God furá unda
natofo* kaifa aita
rouvia feferadu
kaifa urota vitirie.



Aghá ririeta, Josep aria, eembo
saghai tamonu gurimi mino
utua bua furia, lesu da tamu
ifataravareta ititurieta
vovorurieta bua aria,
uje eini gudoro ufuva
ghafirieta vitiria-va
itia, singoi eininu
oberea, anami uje
be gajiturie.



Nangu undarida rifo
atiturieta, fristida*
kokotofude, Moses da
Gaga Kaifa Kakatode*
Pailat dava aria, eghá
regeguturie,



“Kotofuko, námane
reisi-nundubutore, aná
gavera kato umó jebuga
irirota, ‘Amó ambua
fefera bakodeda
ambova rekago
eraitare,’ ririe.”



Aghá ririeta, númane aria,
aná uje be singoimi gajea
saro ea goghó egegea,
mene-mene ari kakato
dumeni uje be kaifa
egegari-du doa
igiguturie.



Nangu undari feferada ambova,
fura einida fefera tutunovada rifo
atitueta, Makdala ariri Meri
unda akau Meri gha uje
gigigaita igiguturie.
Aghade, Jojabeeda
anera uutuva reta
vorea, uje be
gajari vitiria

singoinu oberea
kasava irueta,
gino-gino jojabe
urieta, umó aná
singoi etova
asumbuturie.



Aná mene-mene ari kakato lesu da
uje kaifa rousuria, aghá gigigea,
undú oru-oru egegea, eka
ingo dadada egegea,
sei amburari enembogo
eka ingo dagaya
urota, dibe
gombeguturie.



Aghá urieta, anerami aná evevetudu
ririe, “Mania oru egegata! Amó
rei-gerore, lesu ifatarava
dedeguta-nu tava
rosoravore. Tago, umó
oreki eve tefo re. Unda
riria aghagonu urota,
amburarivareta
jebugea eretue.


Atá
fu, unda vasia vita
kambesi gigigadi!



Aghá ririeta, aná evevetu ujevareta kaverea, orude kotú gangorogha danode, unda ambo nimbi rata niningigari-du susumbugea igigut-urie. Igigutueta, jo gaimbo ambi, lesu númane emborova tambua, “Siriri ari nimonde danode iroe!” ririeta, ungá umó aria,

unda ekava ririkiguturota, undú tumogha baĩ egeguturie.





Anada ambova, lesu da ambo nimbi dano 11 undari undidigutueta, umó númandava isagha urieta, gigiguturieta, númandu dibe beva ririe. Anada bee mo, lesu umó amburarivareta eroruria mo, enembo dumenimi gia aria, númandu isagha urie-tago, númane deriva urota, jo gaabee egegambi urie. Aghá riria-da ambova Jojabee lesu, umó uutuva vitia, God Afada ingo bee kenava asumbuturie.



Anada bee mo,
God umó enembo
nenó bua goghó urota, jebuga tumanadu
irarinu bari-du rea, unda Mendi dabako
bee dabako ututurieta furie. Unda
furia-da bee mo, avona umó gaabee
adua, jo ambua sidara ambi aita
rouvie, jebuga tumanadu
irarinu baita
rouvie.



Rom Enembodu 3:23 Emboro evere: enembo lesu Keriso gaabee eta rousua-du, God na númandu “Imó taubana re.” raita rouvie. Enembo dano gari dabako re. Namonde amó dano ari akokogomi bebeta ea, jo God da duroghava jirari inono irambi re. Amindu, Jiusi de Jiusi enemboda gitofodedu inonova eta rouvie.

Rom Enembodu 6:23 Anada bee mo, Ari Akuago urota, iradora-da mino imó amburari-nu baita roravore. Tago, namonde anda Jojabee lesu Keriso na emboro reka eini ifeguturie. Amindu Keriso de dano takembadora, God namonde andú jebuga tumanadu irari tefo utota bubugaita rosore.



Hibru Enembodu 9:27 Enembo dano fefera einiva amburaita rousua-da ambova, God na númane dano iruraita rouvie. Keriso beago, fefera dabako enembo oruabeda ari-bari akokogo seghea fugaita rea, ambubuturie. Kotú dabako unona rekago kaverea furaita rouvie. Umó kaverea furadua, jo ari-bari akokogo seghea fugaita rea, furambi aita rouvie-tago, jebuga tumanadu irarinu unda kaverari feferadu kaifa egeguturota vitia enembodava utaita rea, furaita rouvie.

Efesus Enembodu 2:8,9 Reisi-geroravore, nímane jo nímanda anomi jebugambi re. Nímandava taubana eini tefo re. Nímane gaabee egeguturera-du, God na nímandu mema ea sonembuturieta jejebugutureravore. Namonde amó Keriso de dano vitere-tago, namonde andufako jo raga regegambi egegasire! Anada bee mo, namonde andufako namonde anda buroda anomi jo jebugambi re. Namonde amó God da anomi jejebuguturere.



Rom Enembodu 10:9,10 Aná evere, nímane tofo nímanda bemi, “lesu anda Jojabee re.” rirota, neno roo dano ututurota, ená gaga gaabee egegadora, “God na ririeta, lesu amburarivareta jebugea erorururia, aná gaa bee re,” aghá regeguturota, kotú gaabee urota iririgadora mo, nímane jebuga tumanadu irari bubugaita rosoravore. Anada bee mo, namonde neno dano ututurota, gaabee egegota-gea, God namonde andú “Imó taubana re.” raita rouvie. Kotú, namonde gaabee egeguturota, be fangea namonde lesu gaabee rosora-nu isagha regegota ningia, God na namonde andú jebuga tumanadu irari utaita rouvie.



Jon 3:16,17 Anada bee mo, God umó enembo neno bua goghó urota, jebuga tumanadu irarinu bari-du rea, unda Mendi dabako bee dabako ututurieta furie. Unda furia-da bee mo, avona umó gaabee adua, jo ambua sidara ambi aita rouvie, jebuga tumanadu irarinu baita rouvie. God jo unda Mendi endava enembo gia irurari-du rea, ninengota furambi re. Númane sonembota, jebuga bubugari-du rea ninenguturieta furie.

1 Jon 5:11-13 God unda Mendi du gaga donu riria, aná evere. God namonde andú jebuga tumanadu irari ututura-da emboro dabako aná unda Mendi re. Amindu, enembo avona God da Mendi bua vitia, umó jebuga seibe bua, ungó danode vitie. Atá enembo avona God da Mendi jo bambi adua, umó jebuga beago, jo bambi aita rouvie. Nímane God da Mendi nu gaabee eta rosora enembomi, seibe jebuga tumanadu irari tambua bubuguturera-nu, tanana egegadi rea, ená ingiso rei-gefere.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest

and Alastair Paterson

Adapted by: Lyn Doerksen

Baruga Bible (bjz) © 2017, Wycliffe Bible Translators, Inc.
All rights reserved.

<https://live.bible.is/bible/BJZWYI/MAT/1>

©2024 Bible for Children, Inc.

www.M1914.org

www.bibleforchildren.org

